

RANCANGAN  
ANJUR  
KURSUS  
SENI SILAT,  
KUNINGAN

22 JAN 1976  
**PERSATUAN**  
Pemuda Pemuda Melayu Queenstown ber-cadang untuk menganjurkan kursus seni silat kuningan mungkin dalam beberapa bulan ini.

Satu majlis perkenalan telah dianjurkan baru-baru ini di pekara-ngan Mesjid Hang Jebat di Queens Crescent.

**Pemuda**  
Seramai 80 orang telahpun mendaftarkan nama bagi menyertai kursus tersebut.

Guru yang mengajar ialah Encik Basri Alang. Gambar atas menunjukkan sebahagian dari kanak-kanak dan pemuda yang menunjukkan minat untuk menyertai kursus tersebut.

## Persekutuan

Silat:  
7 badan  
setuju  
jadi  
22 JAN 1976  
kerabatnya

22 JAN 1976  
**TUJUH** buah pertubuhan telah ber-setuju menjadi kerabat Persekutuan Silat Singapura yang akan mengadakan mesyuarat agungnya yang pertama pada 15 Februari ini di Dewan Perses, Jalan Eunos.

Demikian ditegaskan oleh Setiausaha - Agung Jawatankuasa Sementara Persekutuan itu, Encik Johari Uriff ketika dihubungi kemarin.

Pertubuhan - pertubuhan itu termasuklah Perwanit, Pasak, Pertapis, Perpensis, Badan Kesenian Melayu, Persatuan Bawean dan Persatuan Rakyat.

Dalam mempelawa pertubuhan - pertubuhan di sini agar menjadi anggota kerabat, Encik Johari menyatakan sejauh ini sembilan buah pertubuhan termasuk Angkatan Belia Singapura dan Pertapis dan tujuh buah badan tadi telah dibenarkan menganjurkan kegiatan seni silat.

Mereka boleh menjalankan kegiatan itu selepas mendapat kelulusan dari Unit Pengawal Seni Mempertahankan Diri (MACU), Kementerian Halehwal Dalam Negeri.

## Berminat

Encik Johari menerangkan bahawa dalam mesyuarat agung itu kelak, para anggota badan - badan kerabat akan diminta meluluskan perlembagaan persekutuan itu dan memilih ahli jawatankuasanya.

"Orang - orang individu juga yang berminat dalam kegiatan seni mempertahankan diri seperti pencak silat dijemput menjadi ahli bersekutu.

"Orang - orang perseorangan itu diperlukan kerana sejajar dengan perlembagaan Persekutuan ini, berbagai bahagian akan dibentuk yang memerlukan tenaga mereka yang berke Layakan dan diakui dalam bidang seni silat," Encik Johari menekankan.

Mengenai matalamat dan tugas Persekutuan Silat Singapura, dia menarik perhatian bahawa ia akan berusaha menjadi sebuah badan penyelaras kegiatan itu di sini.

"Ia juga akan berusaha untuk meninggikan lagi taraf seni silat dan menjadikannya sejenis sukan yang popular di kalangan masyarakat bukan Melayu juga," dia menambah.

Menurutnya lagi, jawatankuasa sementara badan itu telahpun mengadakan mesyuaratnya yang pertama pada 16 Januari lalu dan melantik Haji Ya'acob Mohamed, Menteri Negara di Pejabat Perdana Menteri sebagai pengerusi.

# PSSS anjurkan peraduan lukis logo — cogankata

25 JAN 1976

Berita Minggu

**PERSEKUTUAN** Seni Silat Singapura (PSSS) kini sedang menganjurkan peraduan melukis logo dan mencipta cogankata — untuk dijadikan lambang persekutuan tersebut.

Orangramal yang berminat untuk menyertai kedua-dua peraduan itu bolehlah mendapatkan keterangan dari pegawai-pegawai PSSS dan juga mengirimkan ciptaan mereka dari sekarang.

Jurucakap PSSS memberitahu, peraduan itu terbuka kepada seselapa juga yang ingin menyertainya.

Pemenang pertama, kedua dan ketiga dalam kedua-dua peraduan akan diberikan hadiah istimewa, ujarnya.

Setiap peserta boleh mengirim seberapa banyak peraduan yang mereka suka. Tidak ada batasan yang dikenakan kepada mereka yang hendak mengirim lebih dari satu penyertaan.

Bagaimanapun, karya untuk peraduan melukis logo mestilah berukuran lima centimeter x tiga centimeter besarnya. Para peserta boleh menggunakan apa jua warna yang mereka fikirkan sesuai.

Bagaimanapun, untuk peraduan mencipta cogankata, tidak ada ukuran yang ditetapkan. Karya-karya mestilah mudah, tepat dan ringkas.

Karya logo dan cogankata itu bolehlah dihantarkan ke alamat Setiausaha, No: 32 Jalan Jaafar, Singapore 14. Tarikh penyertaan ditutup pada 31 Mac.

## Pegawai

Sementara itu, PSSS telah melantik enam orang pegawai dan enam orang anggota jawatankuasa semmentaranya.

Di samping Haji Ya'acob Mohamed sebagai presiden, Encik A. Rahim Dayan, naib presiden, Encik Johari Uriff, setiausaha dan Encik Arif Haji Zahari, sebagai penolong setiausaha.

Bendahari kehormat ialah Encik Karim Maidin dan penolong bendahari Encik Abdullah Maarof.

Anggota jawatankuasa terdiri daripada Encik Encik Mohammad Sain Mohd. Som, Jaffar Haji Yaakub, Asmui Sulaiman, Goh Loo Ann, Jumat Sidek dan Baharuddin Badaruddin.